

Cartas nordic



Un serie de photos de locationes in le pais nordic
– e lor historia narrate in alcun lineas in interlingua como inspiration.



■ **Vättern, Svedia:** Ab Jönköping in sud a Askersund in nord il ha circa 135 kilometros. Si longe es Vättern, le secunde plus grande laco in Svedia. Illo es ligate a e Vänern (le plus grande) e le Mar Baltic via le famose Canal Göta, per le qual on pote cruciar a transverso de Svedia sur le vias aquatic. In le tertio del sud de Vättern se trova le insula Visingsö (de 25 kilometros quadrate), proxime al citate Gränna, cognoscite pro su bonbon “polkagris” de mentha piperate e striate in rubie e blanc. Un altere citate sur le ripa ma plus al nord es le ancian Vadstena con su famose abbattia pro Sancte Birgitta. Al ripa de Vadstena on pote seder sur le banco o le parve roccas e spectar super le aqua del grande laco e forsan soniar.

Texto e photo: Thomas Breinstrup

Interlingua – communication sin frontieras
www.interlingua.dk | www.interlingua.com

© 2022

Questiones

1. Qual laco vide on sur le photo, e que es characteristic pro illo?

2. Il ha un famose citate al ripa de Vättern. Proque es illo ben cognoscite?

3. In le nord se trova un urbe ancian con un famose persona religiose. Qui es illa?

4. Es Vättern sin connexion a altere lacos e canales in Svedia?

5. Proque ha on placiato un banco proxime al laco?
